

玉

海

七十六

玉海卷第一百五十四

浚儀王應麟伯厚甫

朝貢

獻方物

通典聖人不貴奇貨不寶遠物夷狄來朝坐之門
外使舌人體委以食之獲其聲不列於庭廟受其
貢不過楷矢獸皮

黃帝南夷獸鬯

宋志黃帝時南夷乘白鹿來獻鬯

瑞應圖云
獻褐裘

舜樵饒氏貢沒羽 虞西戎獻白環

帝王世紀舜時樵僂氏來貢沒羽西王母慕舜之德來獻白環東倭重譯而納貢

魏志自虞暨周西戎有白環之獻東夷有肅慎之獻

皆曠世而至 宋志西王母舜時來獻白環白琯又

西王母獻白環玉玦

禹渠搜獻裘

宋志禹時渠搜來獻裘

瑞應圖乘白鹿來獻 魏文帝令曰王母來獻白環渠搜

未見珍裘 禹貢析支渠搜西戎卽敘

夏諸夷獻樂舞

見樂類

周肅慎貢楛矢石磬

魯語有隼集陳侯之庭楛矢貫之石磬其長尺有咫
陳惠公問仲尼仲尼曰此肅慎氏之矢也昔武王克
商通道于九夷八蠻使各以其方賄來貢使無忘職
業於是肅慎氏貢楛矢石磬其長尺有咫先王欲昭
令德之致遠以示後人使永監焉故銘其括曰肅慎
氏之貢矢以分大姬配虞胡公而封諸陳使有司求
諸故府得之金櫝如之 禮大宰物貢註九州之外
各以其所貴爲摯肅慎氏貢楛矢之屬是也 書成
王旣伐東夷肅慎來賀

魏志青龍四年五月丁巳肅慎氏獻楛矢 晉紀魏

景元三年四月肅慎來獻楛矢 長一尺八寸 石砮 三百枝 弓

甲貂皮等天子命歸於大將軍府 賜其王偃雞 晉武

咸寧五年十二月來獻楛矢石砮 傳云元康初 元帝太興

二年八月又獻 挹婁國有山出石其利入鐵 宋大明三年十一

月己巳獻

周越裳獻白雉 錫文錦輶車

太公金匱曰武王伐殷四夷來貢越裳白雉成王以

歸周公曰德不加君子不饗其質不施君子不臣其

人吾何以獲此賜其使請曰吾受命國之黃耆曰久

矣天之無烈風雷雨

尚書大傳作別風淮雨一作淫雨

意者中國有

聖人乎蓋往朝之周公乃歸之於王薦于宗廟

見文選注

古今注周公致太平越裳氏重譯來獻白雉一黑

雉二象牙一使者迷其歸路周公錫以文錦二匹輶

車五乘皆為司南之製使越裳氏載之以南

漢書云周公之

遜白雉太宗之卻走馬

論衡周時天下太平越裳獻白雉倭

人貢鬯草

韓詩外傳成王之時越裳獻白雉於周

公

詩韓奕其追其貊奄受北國獻其貔皮赤豹黃羆

山海

經春山多赤豹中山東胡有黃羆成王時東胡獻此獸

魯頌憬彼淮夷來獻

其琛元龜象齒大賂南金

周西旅獻獒

書惟克商通道于九夷八蠻西旅底貢厥獒太保乃作旅獒用訓于王四夷咸賓畢獻方物注西戎遠國貢大犬

周洋水獻良馬

水經注穆天子傳曰天子自春山西征西于赤鳥氏己卯北征庚辰濟于洋水辛巳入于曹奴人戲觴天子于洋水之上乃獻良馬九百牛羊七千天子使逢曰受之天乃賜之黃金之鹿戲乃膜拜而受

開山圖曰隴西

神馬山有淵池龍馬所生 周語穆王征犬戎得四白狼四白鹿以歸自是荒服不至

漢南越獻馴象

武紀元狩二年夏南越獻馴象教能拜起周章從人意也 能言鳥

即鸚鵡也 南粵傳文帝元年獻白璧一雙翠鳥千犀角

十紫貝五百桂蠹一器生翠四十雙孔雀二雙建元四年遣子嬰齊入宿衛

漢閩越獻黑鵲

見後

志安世房中歌蠻夷竭歡象來致福象譯也

漢大宛獻天馬 烏孫獻馬 南單于獻

文馬

西域傳大宛治貴山城去長安萬二千五百五十里

宛王蟬封與漢約獻天馬二匹漢使採蒲陶目宿種

歸詳見馬政烏孫大昆彌治赤谷城去長安八千九

百里武帝令張騫齎金幣往乃發使送騫因獻馬數

十匹報謝其後使使獻馬願尚漢公主爲昆弟

南匈奴傳建武二十六年獻駱駝二頭文馬十匹

注畫

馬爲文

漢西域獻吉光裘

十洲記天漢三年西國王獻靈膠吉光毛裘

又云日西國王

貢吉光裘二領

使者曰常占東風入律十旬不休青雲干呂

連月不散意中國有好道之君故搜奇蘊而貢神香

文選注引之

西京雜記武帝時西域獻吉光裘上服以

聽朝

西域傳贊孝武睹犀布璫瑁則建珠崖七郡

感枸醬竹杖則開牂柯越巂聞天馬蒲陶則通大宛

安息明珠文甲通犀翠羽之珍盈於後宮蒲梢龍文

魚目汗血之馬充於黃門鉅象師子猛犬大雀之羣

食於外園殊方異物四面而至

長楊賦殊鄰絕黨

之域自上仁所不化茂德所不綏莫不躋足抗手請

獻厥珍

漢康居貢獻

西域傳成帝時康居遣子侍漢貢獻 董仲舒傳夜
郎康居殊方萬里說德歸義

漢黃支國獻犀牛

紀元始二年春

黃支在日南之南
去京師三萬里

漢車師等十八國獻珍寶

西域傳建武二十八年冬車師前王鄯善焉耆等十
八國俱遣子入侍獻其珍寶天子還其侍子厚賞賜
之 紀建武十四年莎車國鄯善國遣使奉獻十七

年莎車國遣使貢獻二十一年冬鄯善王車師王等十六國皆遣子入侍奉獻

漢日南獻生犀白雉

南越獻白雉白兔

疏勒獻獅子

後紀光武建武十二年九月真徼外蠻夷張游率種人

內屬封為歸漢里君十三年九月日南徼外蠻夷獻

白雉白兔

南蠻傳光武中興錫光為交趾任延守九真教耕稼制冠履設媒聘立學校導之禮

義建武十二年九月真徼外蠻夷張游內屬明年南粵徼外蠻夷獻白雉白兔

章帝元和

元年正月日南徼外蠻夷獻生犀白雉

順帝陽嘉

元年疏勒獻師子封牛

東觀記曰疏勒王盤遣使文時詣闕師子似虎正黃有額

形尾端茸毛大如斗封牛其領上肉隆起若封然因以名之即今之峯牛

靈帝熹平二

年十二月日南徼外國重譯貢獻西域傳疏勒國

順帝永建二年臣磐遣使奉獻五年遣侍子與大宛

莎車使俱詣闕貢獻陽嘉二年復獻師子封牛大秦

國延熹九年

紀云九月

遣使自日南徼外國象牙犀角瑋

瑁

大秦一名黎鞬亦云海西後漢始通天竺國有大秦珍物和帝時數遣使貢獻

揚雄

交州箴曰航海三萬吏牽其犀

魏明帝太和五年四月鮮卑丁零詣幽州貢名馬後

置護匈奴中郎將

漢西南夷貢獻

明紀永平十七年是歲西南夷哀牢儋耳僬僂槃木
白狼動黏諸種前後慕義貢獻西域諸國遣子入侍
夏五月戊子公卿百官以帝威德懷遠奉觴上壽制
曰其敬舉觴告宗廟 東京賦惠風廣被澤洎幽荒
北燮丁令南諧越裳西包大秦東過樂浪重舌之人
九譯僉稽首而來王 西南夷傳論鰕耳雕腳之倫
獸居鳥語之類莫不舉種盡落回面而請吏陵海越
障累譯以內屬故其錄名中郎校尉之署編數都護
部守之曹動以數百萬計若乃藏山隱海之靈物沈
沙棲陸之璋寶莫不呈表怪麗雕被宮幄寶幃火毳

馴禽封獸之賦輪積於內府夷歌巴舞殊音異節之
校列偈於外門鏤體卉衣改襟輸寶 班超傳每有
貢獻異物輒詔作賦頌

漢百蠻貢職

明紀永平二年春正月辛未宗祀光武於明堂禮畢
登靈臺詔曰眾郡奉計百蠻貢職烏桓濊貊咸來助
祭單于侍子骨都侯亦皆陪位斯固聖祖功德之所
致也

漢月氏獻扶拔師子 安息獻師子條支

大爵

紀章帝章和元年月氏國獻扶拔

注似麟無角

師子和

帝章和二年十月安息國遣使獻師子扶拔

傳作永符拔

元十三年安息國獻師子及條支大爵

卽今之駝鳥傳云安息

王滿屈復獻師子及條支大鳥時謂之安息雀

條支國臨西海出大雀

前西域傳烏

弋有桃拔師子犀牛注桃拔一名符拔似鹿長尾一

角者或爲天鹿兩角者或爲辟邪師子似虎正黃有

頰形尾端茸毛大如斗卽爾雅狻猊也 西域傳永

元六年班超復擊破焉耆於是五十餘國悉納質內

屬其條支安息諸國至于海瀕四萬里外皆重譯貢

獻

班超傳月氏貢奉珍寶符拔師子

漢徼外蠻奉珍寶

西南夷傳永元六年郡徼外莫延慕義遣使譯獻犀
牛大象九年徼外蠻及揮國王雍由調遣重譯奉國
珍寶和帝賜金印紫綬永初元年徼外僬僂種夷陸
類等三千餘口舉種內附獻象牙水牛封牛永寧元
年揮國王雍由調復遣使者詣闕朝賀獻樂及幻人
漢蒙奇兜勒貢獻

西域傳和帝永元九年

十二月

西域都護班超遣掾

甘英窮臨西海而還皆前世所不至山經所未詳莫
不備其風土傳其珍怪於是遠國蒙奇兜勒皆來歸